

Sermon  
Kxf. Dr. Numlaajtsheb Yaaj

## “Tus Tau Koobhmoov”

Fourht Sunday after the Epiphany  
Our Savior Lutheran Church  
1-29-17

Thov txojhmoov txojkev hhub thiab txojkev haumxeeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

**Mathais 5:11-12** “Blessed are you when others revile you and persecute you and utter all kinds of evil against you falsely on my account. Rejoice and be glad, for your reward is great in heaven, for so they persecuted the prophets who were before you – *Thaum luag thuam nej thiab tsimtxom nej thiab hais lus txhuayam phem rau nej, nej tau koobhmoov. Nej cia li zoosiab rau qhov Vajtswv twb npaj nqi zog ntaw kawg li cia rau saum ntuj ceebtseej rau nej lawm. Vim lawv twb xub tsimtxom cov cev Vajtswv lus li no uantej nem lawm thiab.*” Nov yog tus Tswv Txojlus. (Cross reference – Yaxayas 25:8; 51:7, Yelemis37:14, 2 Xwmtxheej 36:16, Mathais25:37, Filipis 1:29, 1 Petus 4:14, Tes Haujlwm, 7:52, Loos 5:3, 1 Thexalaunikes 2:15, Henplais 10:34, Yakanpaus 1:2, 2:5, 5:10, Lukas 6:20-23)

Illustration    “What Christ had done”

(Show turtle on a fence post)



Alex Haley, the author of “Roots,” had an unusual picture hanging on his office wall. It was a picture of a turtle on top of a fence post. When asked, “Why is that there?” Alex Haley answered, “Every time I write something significant, every time I read my words and think that they are wonderful, and begin to feel proud of myself, I look at the turtle on top of the fence post and remember that he didn’t get there on his own. He had help.” Every time I am tempted to think about the things I have been able to achieve in my life time, I am reminded of this quote and that it is not because of me but because of Christ and what He has done.

I am reminded of this quote and that it is not because of me but because of Christ and what He has done - Alex Haley, tus sau phau ntawv “Roots” muaj ib daim duab dai hauv nws lub chaw ua haujlwm. Daim duab no yog ibtug vaubkib nyob saum ibtug ncej lajkab. Thaum lawv nug nws haistias, “Ua li cas muaj thiaj li muaj nyob ntawd?” Alex Haley teb haistias, “Txhua zaug kuv sau tej yam uas tseemceeb, txhua zaug uas kuv nyeem kuv cov lus thiab xav tau tej yam uas zoo heev, thiab pib quas kuv tus tkheej, kuv tig mus saib daim duab tus vaubkib nyob rau ntawm tus ncej lajkab thiab nco haistias nws tsis yog mus nyob tau saum nws tus kheej. Nws muaj tibneeg pab nws.” Txhua zaug uas kuv raug simsiaj txog txojkev xav txog yam uas kuv ua tau hauv kuv lub neej, kuv nco ntsoov lolus uas hais no thiab haistias tsis yog vim yog kuv tiamsis vim yog Khetos thiab yam uas Nws ua tiav lawm. (*Lou Nicholes - Missionary Author*).

- I. Ntau zaug peb tibneeg xav haistias, peb yog ibtug tibneeg zoo, tsi ua tubsab, tsi deev lwmtus, tsi ua phem rau lwmtus xwb ces peb yeej tau mus ntuj ceebtseej lawm. Coob tus tibneeg yeej xav li no vim nws tsis paub txog haistias txojkev uas yuav mus tau ntuj ceebtseej uas yog tau txojsia ntev dhawv mus ibtxhis yog mus tau li cas tiag. Txoj koobmoov uas tibneeg yuav tau no, Vaajtswv yeej muab rau tibneeg tiamsis qhov txawv ntawm koobmoov rau txojsia yuavtsum yog tus ntseeg Yexus. (Show hand)



Tibneeg tsis paub txog haistias, tibneeg tseem nyob rau txojkev txhaum. Los ntawm tibneeg txojkev xav, tes dejnum uas tibneeg ua yeej tseem tseem niaj hnub nyob nrog txojkev txhaum. Txojkev uas kovyeej txojkev

txhaum no ces Yexus twb los ua tiav saum tus ntoo khaublig lawm. Koj yuavtsum cia li ntseeg thiab cia siab rau Yexus txoj koobhmoov. Cia kuv muab pivtxwv hais yoojyim kom koj totaub zoo. Zoo nkaus li koj txhaistes uas mus kov lwmyam uas dub lawm, koj yuavtsum tau xua xumnpum los ntxuav koj txhaistes thiaj li yuav rov huv duas. (Show baby drinking milk, eating, crawling, and walking)




Thaum Vajtsvv coj peb los ntseeg Nws, peb zoo nkaus li tus mosliab uas tseem tsis tau paub dabtsi li. Peb tseem noj mis, peb mam li paub noj mov. Peb yuavtsum nkag untej peb mam li paub mus kev. Thaum peb noj tau mov lawm peb yeej tsis rov mus hausmis thiab thaum peb mus taus kev lawm peb yeej tsis rov mus nkag li lawm. Yog peb twb paub ua li no hauv peb lub neej, thaum peb los ntseeg Vajtsvv lawm, ua li cas peb tseem tsis ua li Vajtsvv tej lus samhwm tseg kom peb ua? Peb tseem pheej tig mus ua txojkev txhaum hauv peb lub neej. (Show Jesus teaching)



Txojmoozoo ntawm Mathais qhia rau peb haistias, thaum Yexus pom cov tibneeg coob coob nws qhia rau lawv txog txojkev uas tau koobhmoov. Yexus hais ntawm, Vs. 3 –12 txog tus uas ua tsis tau li Vajtsvv lub siabnyiam, tus ntsib kev quajntsug, tus nyuajsab, tus tshaib thiab nqhi rau txojkev ncajncees, tus muaj kev hlub, tus ua siab ncajncees, tus siabdawb thiab tus raug luag simtxom yog tus uas tau koobhmoov. (Show Matthew 5:11-12)

## II. Tej zaum koj yuav tsis totaub Yexus cov lus.



Tej zaum koj yuav nug haistias, ua li cas tus uas twb tsis ua li Vajtsvv lub siabnyiam yuav tau koobhmoov ua dabtsi? Yexus siv lolus “Bless – Koobhmoov” cuaj zaug. Lulus no txhais haistias tus uas tau Vajtsvv txojkev zoo losyog Vajtsvv txaussiab rau nws lawm. Lulus “Bless – Koobhmoov” tsis yog lolus foom phem tiamsis yog lolus foom zoo. (Show you are so blessed)

# You Are So Blessed!

Hnubno koj puas xav haistias, koj yog tus tau koobhmoov ntawm Vajtsvv lawm? Yog koj paub haistias, koj yog tibneeg txhaum thiab yeej tsis muaj ibyam dabtsi uas koj yuav ua haum Vajtsvv li ces koj twb tau koobhmoov lawm. Yog koj lees paub haistias, koj ua tsis tau tiamsis Vajtsvv yog tus ua tau thiab koj tsis khav haistias koj yog tus txawj tus ntse thiab muaj vaj muaj tsev nyob ces koj tau

koobhmoov. Tus tau koobhmoov paub haistias, tej no puavleej yog koobhmoov los ntawm Vajtsvv los pub dawbpaug rau nws. Vajtsvv tsuas yog pub rau koj saibxyuas ibntus xwb, Nws yuav cia lwmtus los saibxyuas tej ntawd lawm. Kev txawj ntse, lwmtus yuav txawjntse dua koj, vajtsev yuav yog lwmtus los nyob tomqab tsis muaj koj lawm. (Show bragging rights)



Tibneeg coob leej ntau tus xav haistias, tej uas nws muaj thiab txhuayam uas nws khvw tau puavleej yog nws tug. Tiamsis yog nws khav li no, nws yog tus tsis tau koobhmoov. Yesus thiaj li haistias, “..... ‘You fool! This very night your life

will be demanded from you. Then who will get what you have prepared for yourself?" - ..... *Tus tibneeg ruam, hmo no koj txojsia twb yaav tu, yog li ntawd, tej qhov txhia chaw uas koj npaj tseg yuav yog lwmtus tug.*" (Lukas 12:20) Tibneeg tsis yog muab lub koobmeej rau Vajtsvv ho lawv xum mus muab tej koobmeej rau lawv tus kheej, lawv niam lawv txiv, lawv pog lawv yawg tias vim yog muaj lawv cov no nws thiaj li tau ntau yam zoo nyob hauv nws lub neej. Lawv twb tuag lawm lawv yuav ua li cas pub tau tej ntawd rau nws? Nws lub siab tsua xav li xwb tus tuag lawm puas pub tau rau tus ciaj?

- III. Yog koj paub haistias tej uas koj muaj ntawd yog Vajtsvv pub rau koj thiaj li muaj ces qhov no koj yog tus tau koobhmoov. (**Show it's mine!**)



Muaj ib tus txivtsev tau hais rau kuv haistias, "Tej khoom uas kuv muaj yog kuv ob txhaistes mus khwv tau los, nov yog kuv li, ua li cas kuv tseem yuav mus ua lwmtus tsaug ua dabtsi" Tus uas tsis ntseeg Vajtsvv nws yuav haistias, "Mine – *Kuv li*" tiamsis tus uas ntseeg Vajtsvv yuav haistias, "Your – *Koj li*" nov yog nws haistias yog Vajtsvv li, vim Vajtsvv pub rau nws, nws thiaj li tau. Tus totaub li no tau koobhmoov.

Yexus thiaj li haistias, (**Show Matthew 5:11**)



"Blessed are you when people insult you, persecute you and falsely say all kinds of evil against you because of me - *Thaum luag thuam nej thiab tsimtxom nej thiab hais lus txhuayam phem rau nej, nej tau koobhmoov.*" (Mathais 5:11) Vim koj yog tus ntseeg Vajtsvv tibneeg yuav thuam yuav tsimtxom koj ntawm sab nqaijtaaw kom koj yuav tsis muaj txojkev kajsiab. Txawm zoo li no los koj twb tau koobhmoov vim Yexus twb xub los raug tej kev no saum tus ntoo khaublig untej lawm. Koj tsis txhob txhawj.

Cov kwvtij hlub thiab movtshua, tus uas totaub txojkev uas raug luag thuam vim nws yog tus ntseeg, nws yog tus tau koobhmoov.



Yam uas kojj tau koobhmoov ntawd yog kojj tus kheej paub haistias, tibneeg yuav ua ntau yam tuammom kojj vim koj tseem nyob rau lub ntajteb uas muaj kev txhaum. Yexus thiaj li haistias, "Rejoice and be glad, because great is your reward in heaven, for in the same way they persecuted the prophets who were before you - *Nej cia li zoosiab rau qhov Vajtsvv twb npaj nqi zog ntau kawg li cia rau saum ntuj ceebtsheej rau nej lawm. Vim lawv twb xub tsimtxom cov cev Vajtsvv lus li no uantej nej lawm thiab.*" (Mathais 5:12) (**Show 1 John 3:1**)



Yauhas sau haistias, "See what great love the Father has lavished on us, that we should be called children of God! And that is what we are .... – *Nej sim ua tibzoo xav saib Leejtxiv hlub peb npaum li cas!* Nws hlub peb kawg nkaus li, nws thiaj hu peb ua nws cov menuam, thiab qhov tseeb peb yeej yog Vajtsvv cov menuam tiag." (1 Yauhas 3:1) Koj thiab kuv tau koobhmoov vim Yesus los ua txhuayam rau koj thiab kuv kom peb tau txojkev cawmdim. Txojkev cawmdim ntawd yog txojsia mus ibtxhis nrog Vajtsvv nyob mus ibtxhis thiab ibtxhis vim koj yog tus tau koobhmoov. Asmees.

Thov kom Vajtsvv Txojlus pub rau peb sawvdaws totaub thiab tau nyob kajsiab lug rau ntwm Tswv Yesus Khetos. Peb txhua tus uas yog Vajtsvv cov menuam peb sawvdaws hais: Asmees.